



Broj: 06-49- 2162/17
Ključ, 06.10. 2017. godine

Na osnovu člana 66. Zakona o obavezama, pravima i odgovornostima pacijenata („Službene novine Federacije Bosne i Hercegovine“, broj: 40/10), člana 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10) i člana 40. Statuta Općine Ključ („Službeni glasnik Općine Ključ“, broj: 3/10 i 3/11), Općinski načelnik općine Ključ r a s p i s u j e

JAVNI POZIV za imenovanje Zdravstvenog savjeta općine Ključ

I

Općinski načelnik općine Ključ raspisuje Javni poziv za imenovanje Zdravstvenog savjeta općine Ključ, a u cilju ostvarivanja društvene brige za zdravlje na nivou Općine.

II

Zdravstveni savjet općine Ključ:

- a) planira i evaluira provođenje zdravstvene zaštite na području općine Ključ,
- b) daje mišljenja na planove i programe zdravstvene zaštite za područje općine Ključ,
- c) predlaže mjere za poboljšanje dostupnosti i kvaliteta zdravstvene zaštite,
- d) prati povrede prava pacijenata i poduzima mjere za unapređenje tih prava na području općine Ključ,
- e) podnosi Općinskom vijeću godišnji izvještaj o svom radu,
- f) obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

III

Zdravstveni savjet broji devet članova i čine ga:

- a) predstavnici Općine (jedan član),
- b) predstavnici pacijenata i udruženja za zaštitu prava pacijenata (jedan član),
- c) predstavnici zdravstvenih sindikata i profesionalnih udruženja (jedan član),
- d) predstavnici zdravstvenih ustanova (dva člana),
- e) predstavnici Crvenog križa i sličnih udruženja (jedan član),
- f) predstavnici zdravstva i socijalne politike (jedan član),
- g) predstavnici udruženja mladih (jedan član) i
- h) predstavnici udruženja penzionera (jedan član).

IV

Zdravstveni savjet imenuje Općinski načelnik, na osnovu javnog poziva, na period od četiri godine.

V

Prijedloge za članove Zdravstvenog savjeta na Javni poziv dostavljaju: institucije, ustanove, udruženja, nevladine organizacije i zdravstveni sindikat, čiji predstavnici formiraju Zdravstveni savjet u skladu sa Statutom Općine Ključ.

VI

Kandidat treba da ispunjava slijedeće uslove:

- a) da je punoljetni državljanin Bosne i Hercegovine,*
- b) da ima minimalno tri godine iskustva u instituciji, ustanovi, udruženju, nevladinoj organizaciji ili zdravstvenom sindikatu koji ga kandidiraju,*
- c) da uživa ugled i ima evidentne rezultate rada u oblasti u kojoj djeluje,*
- d) da je motiviran, kompetentan i da poštuje moralna načela u radu.*

VII

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova:

- a) uvjerenje o državljanstvu,*
- b) dokaz o iskustvu u radu u instituciji, ustanovi, udruženju, nevladinoj organizaciji ili zdravstvenom sindikatu koji ga kandidiraju,*
- c) dokaz o rezultatima rada u oblasti u kojoj djeluje.*

VIII

Općinski načelnik formirat će Komisiju za provođenje Javnog poziva koja će, na osnovu pristiglih prijava, predložiti Općinskom načelniku listu kandidata za imenovanje u Zdravstveni savjet općine Ključ.

IX

Javni poziv objavit će se na oglasnoj ploči Općine Ključ, na web stranici Općine Ključ (www.opcina-kljuc.ba) i u programu Radia Ključ.

X

Rok za podnošenje prijava je 15 dana od dana objave na oglasnoj ploči Općine Ključ.

XI

Prijave sa potrebnom dokumentacijom treba dostaviti na adresu: Općinski načelnik općine Ključ, Ulica Branilaca BiH broj 78, 79280 Ključ, sa naznakom „Prijava na Javni poziv za imenovanje Zdravstvenog savjeta – ne otvarati“. Neblagovremene i nepotpune prijave neće se uzimati u razmatranje.

DH/DH

OPĆINSKI NAČELNIK

Nedžad Zukanović, prof.